




Republika e Kosovës
Republika Kosovo - Republic of Kosovo
Autoriteti i Konkurrencës
Autoritet za Konkurenciju - Competition Authority



Vendimi Nr.53/23

Data: 18.05.2023

Duke u bazuar në nenin 26, 27 dhe çështjet procedurale të përcaktuara sipas nenit 11,13,15,16,17,18,35,51 dhe 55 par 1.5 të Ligjit 08/L-056 Për Mbrojtjen e Konkurrencës, dhe Udhëzimit Administrativ Nr. 06/2012, Për Mënyrën e Paraqitjes së Kërkesës dhe Kriteret për Konstatimin e Përqendrimit të Ndërmarrjeve dhe Udhëzimit Administrativ Nr. 02/2018 Për Mënyrën e Përcaktimit të Tregut Relevant, Komisioni i Autoritetit të Konkurrencës, në mbledhjen e datës 18.05.2023, mori këtë

V E N D I M

I. LEJOHET. Përqendrimi i ndërmarrjeve Birra Peja SH.A, (blerës) dhe Nika Bev (shitës) për Blerjen/Përvetësimin e Markave Tregtare Sola.

Birra Peja SH.A. është shoqëri aksionare, e themeluar sipas legjislacionit të Republikës së Kosovës, me seli në Pejë dhe adresë biznesi në Rr. Nexhdet Basha, Nr.160, e regjistruar pranë Agjencisë për Regjistrimin e Bizneseve të Kosovës (ARBK) me numër unik identifikues 811277939.

Nika Bev d.o.o. është shoqëri me përgjegjësi të kufizuar, e themeluar në pajtim me legjislacionin Slloven, me seli në Lubjanë dhe adresë biznesi në Trg Republike 3, 1000, Lubjanë, me numër të regjistrimit të biznesit 9284486000.

Markat Tregtare Sola janë brende të **Pivovarna Lasko Union**, kompani Sllovene në pronësi të Heineken International që nga viti 2015, është shoqëri me përgjegjësi të kufizuar, e themeluar në pajtim me legjislacionin Slloven, me seli në Lubjanë dhe adresë biznesi në Pivovarniska ulica 2, 1000, Lubjanë, me numër të regjistrimit të biznesit 5049318000. Pivovarna Lasko Union, është pjesë e industrisë së prodhimit dhe shitjes së pijeve.

II. Parashtruesi i njoftimit për Përqendrim obligohet të paguaj taksen administrative prej 100.00 €, me shkronja (njëqind euro) dhe Autorizimin për Realizimin e Përqendrimit në përputhje me nenin 18 të ligjit për Mbrojtjen e Konkurrencës dhe neni 20 të Udhëzimit Administrativ Nr. 06/2012, bëhet kundrejt pagesës në vlerë prej 3,000.00 € me shkronja tre mijë Euro.

Arsyetim

Autoriteti i Konkurrencës i Republikës së Kosovës me datë; 03.04.2023, me Nr. Prot. 141/23-01//H ka pranuar kërkesën për njoftim të Përqendrimit përmes znj. Mrika Gashi - Përfaqësuese Ligjore lidhur lidhur me Blerjen/Përvetësimin e Markave Tregtare SOLA ndërmjet Birra Peja SH.A. dhe Nika Bev d.o.o.

Procedurat e ndjekura:

1. Vlerësimi i Lëndës
2. Vërtetimi për Kërkesën e Dorëzuar me datë 20.04.2023.
3. Njoftimit për realizimin e përqendrimit në web faqen e AKRK-së me datë. 13.04.2023
4. Njoftimi për Përqendrim është i bazuar në Kontratën për Blerjen/Përvetësimin e Markave Tregtare Sola të lidhur me datën 29.12.2022.

Baza juridike;

Sipas nenit 13, të Ligjit 08/L-056 për Mbrojtjen e Konkurrencës, nga dokumentacioni i prezantuar në dosjen e lëndës, palët përmbushin detyrimin për të bërë njoftimin e Përqendrimit pasi që;

- a) Qarkullimi i kombinuar i palëve në tregun ndërkombëtarë e kalon shumën 20,000,000 Euro.
- b) Qarkullimi i një pale në Përqendrim e kalon shumën 1,000,000 Euro.
- c) Qarkullimi i palëve në tregun brendshëm e kalon shumën 3,000,000 Euro.
- d) Birra Peja, do të bëjë Blerjen/Përvetësimin e Markave Tregtare Sola.
- e) Kontrata e nënshkruar ndërmjet palëve, datë 29.12.2022
- f) Kërkesa për përqendrim është bërë për arsye se blerësi është Kompani vendore, ndërsa Markat Tregtare Sola janë prezente në Kosovë.

Pas pranimit të Njoftimit për Përqendrim, e paraqitur në bazë të Ligjit 08/L-056 Për Mbrojtjen e Konkurrencës dhe bazuar në nenet 11,13,17,18, si dhe Udhëzimi Administrativ Nr. 06/2012, neni 18 dhe 20 paragrafi (1.3) Për Mënyrën e Paraqitjes së Kërkesës dhe Kriteret për Konstatimin e Përqendrimit të Ndërmarrjeve, Sekretariati ka filluar vlerësimin e kërkesës për Përqendrim.

Procedurat e ndjekura:

1. Vlerësimi i Lëndës
2. Vërtetimi për Kërkesën e Dorëzuar me datë 14.03.2023.
3. Njoftimit për realizimin e përqendrimit në web faqen e AKRK-së me dt. 13.03.2023
4. Njoftimi për Përqendrim është i bazuar në Kontratën për shitëblerje të aksioneve të lidhur me datën 08.02.2022.

Vlerësimi i Konkurrencës

Tregu Relevant: Struktura e Birra Peja në tregun e Republikën së Kosovës nuk do të ndryshoj.

Tregu i produktit – është prodhimi, shpërndarja dhe shitja e Birrës.

Tregu gjeografik – para realizimit të transaksionit, tregu i Republikës së Kosovës.

Pas transaksionit; Republika e Shqipërisë, Zvicrra (duke filluar nga viti 2024), Islanda, Norvegjia, Suedia, Finlanda, Danimarka dhe Maqedonia e Veriut.

Tregjet e Prekura

Transaksioni nuk krijon tregje të prekura, pasi që pjesëmarrësit në përqendrim nuk operojnë në treg të njëjtë të produktit, që do të thotë se mes tyre nuk ka mbivendosje horizontale, shitësi nuk është aktiv në Kosovë, pra nuk ka një filiale të regjistruar në Republikën e Kosovës, ndërsa pala blerëse është kompani vendore dhe e cila do ta ruajnë pozicionin aktual në tregun përkatës kosovar.

Efektet e konkurrencës në tregun përkatës, nga transaksioni i realizuar

Transaksioni i propozuar, do të realizohet në tregun gjeografik të Republikës së Kosovës, kërkesa për njoftim të përqendrimit është bërë për arsye se, pala blerëse është kompani vendore, ndërsa Targeti ka shitje në Kosovë dhe është i licensuar përmes një marrëveshje license me blerësin. Sipas vlerësimit të përqendrimit, nga ky transaksion nuk do të ketë efekte negative për konkurrencën, e rrjedhimisht për konsumatorët në Republikën e Kosovës. Nga të dhënat e ofruara konsiderojmë se implementimi i transaksionit nuk mund të ketë efekt negativ në Kosovë dhe si i tillë nuk ka mundësi të kufizimit ose shtrembërimit të konkurrencës, në treg.

Shënim:

Çdo formë e shtrembërimit të konkurrencës, respektivisht sjellje anti - konkurruese do të jetë nën monitorimin e Autoritetit të Konkurrencës.

Kërkesa për Përqendrim, merr epilogun si në dispozitiv të këtij VENDIMI.


Ky vendim hyn në fuqi menjëherë

KOMISIONI

Neime Binaku-Isufi

Kryetare

Kaltrina Sela
Zv. Kryetare



Nafije Osdautaj
Anëtare



Me këtë Vendim të njoftohen:

- Palët
- Arkiva

Autoriteti i Konkurrencës

Rr. "Migjeni" nr. 21, ish objekti i "Bankës së Lubjanës" kati i VI-të, Prishtinë
+381 /0/ 38 200 10982 info.konkurrenca@rks-gov.net